

АЗБУКА ВЕРЫ



**Чин молебного пения страстотерпцу
царевичу Алексию о страждущих
гемофилией**

Чин молебного пения страстотерпцу царевичу Алексию о страждущих гемофилией

*Текст молебного пения утвержден на заседании Священного Синода 16 мая 2023 года
(журнал № 32).*

Иерей: Благословен Бог наш всегда, ныне и присно, и во веки веков.

Лик: Аминь. Царю Небесный:

Таже чтец: Трисвятое. Пресвятая Троице: Отче наш:

Возглас: Яко Твое есть Царство, и сила и слава, Отца, и Сына, и Святаго Духа, ныне и присно, и во веки веков.

Чтец: Аминь. Господи, помилуй, **12.**

Слава, и ныне:

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 142:

Господи, услыши молитву мою, внуши моление мое во истине Твоей:

Слава, и ныне: Аллилуия, **трижды.**

Ектения великая: Миром Господу помолимся:

...

О плавающих, путешествующих, недугующих, страждущих, плененных, и о спасении их
Господу помолимся.

О рабех Божиих (имярек), недугом неисцельным страждущих, и о еже простити им всякое
прегрешение, вольное и невольное, и милостиву быти им, Господу помолимся.

О еже стяжати им и сродником их плод веры, чистым сердцем в терпении приносимый, и
упование непостыдное, Господу помолимся.

О еже посетити я посещением Святаго Своего Духа, и ослабити болезнь неисцельную, в них
гнездящуюся, славы ради имене Своего, Господу помолимся.

Заступи, спаси, помилуй и сохрани нас, Боже, Твоею благодатию.

...

Возглас: Яко подобает Тебе всякая слава:

Глас 7.

Бог Господь, и явися нам, благословен Грядый во имя Господе.

Стих1: Исповедайтеся Господеви, яко Благ, яко в век милость Его.

Стих 2: Обышедше обыдоша мя, и именем Господним противляхся им.

Стих 3: Не умру, но жив буду, и повем дела Господня.

Стих 4: Камень, егожа небрегоша зиждуции, сей бысть во главу угла: от Господа бысть сей, и есть дивен во очесех наших.

Таже тропарь, глас 7, дважды:

Страстотерпче святой, царевиче Алексие, / ты терпением страданий издетска / послушанию воли Божией и терпению навикл еси, / темже и в болезни неисцельной сушим / ослабу молитвами твоими подаждь, / велие бо дерзновение / стяжал еси ко Господу.

Слава и ныне: Богородичен, глас 6.

Не имамы инья помощи:

Посем припевы:

Д. Святой страстотерпче царевиче Алексие, моли Бога о нас

Хор. Святой страстотерпче царевиче Алексие, моли Бога о нас (дважды)

Слава Отцу, и Сыну, и Святому Духу

И ныне, и присно, и во веки веков, аминь.

По 3-й песни припев:

Святому: Моли Бога о нас, святой страстотерпче царевиче Алексие, / яко мы усердно / к тебе прибегаем, / скорому помощнику и молитвеннику о душах наших.

По 6-й песни: припев, якоже и по 3-й песни.

Таже малая ектения с возгласом: Ты бо еси Царь мира, и Спас душ наших, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Таже поет акафист царевичу Алексию.

Таже: Достойно есть: Трисвятое, по Отче наш: и тропари: Помилуй нас, Господи, помилуй нас:

По тропарех, ектения:

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй (трижды).

Еще молимся о Великом Господине и отце нашем Святейшем Патриархе Кирилле и о господине нашем высокопреосвященнейшем митрополите (или архиепископе или преосвященнейшем епископе) имярек, и о всей во Христе братии нашей.

Еще молимся о богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся, о еже страждущим от недуга неисцельнаго ток крове затворити и благомощие подати, рцем вси, Господи, услыши и милостивно помилуй.

Еще молимся, о еже в немощи терпение, в скорби утешение, в недуге телесном здравие духовное сим даровати, рцем вси, Господи, услыши и милостивно помилуй.

Еще молимся, о еже врачом мудрость, страждущим от недугов и сродником их веру жены хананеины низпослати, рцем вси, Господи, услыши и милостивно помилуй.

Еще молимся о милости, жизни, мире, здравии, спасении, посещении, прощении и оставлении грехов рабов Божиих (имярек).

Еще молимся за всю братию, и за вся христианы.

Возглас: Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне, и присно, и во веки веков.

Лик: Аминь.

По ектении молитва.

О святой страсотерпче, царевиче Алексие! Ты по молитвам преподобнаго Серафима от венценосных супругов рожден был еси, да славу царства земнаго восприимеши, обаче многоболезненно и кратко житие твое бысть и кончина скорбна. Сего ради убо к славе Царства Небеснаго непреткновенно возшел еси и ныне со всеми святыми во свете невечернем и радости нетленней пребываеши, но и в юдоли земной сущим соболезнуеши, наипаче же от недуга неисцельнаго, яко и ты иногда, страждущим. Темже молим тя: яко веси страдание земное, страждущия молитвами твоими в терпении укрепи; яко зриши славу Небесную, унывающия светом ея озари; яко Христу верен даже до смерти пребыл еси, сподоби и нас крест свой во смирении понести. Да прославим купно с тобою и лики Небесными пречестное и великолепое имя Отца, и Сына, и Святаго Духа.

Лик: Аминь.

Также величание.

Иерей: Премудрость: Пресвятая Богородице, спаси нас.

Лик: Честнейшую херувим:

Иерей: Слава Тебе, Христе Боже, Упование наше, слава Тебе.

Лик: Слава, и ныне: Господи, помилуй, (трижды). Благослови.

Иерей отпуст:

Христос истинный Бог наш, молитвами Пречистыя Своея Матере, преподобных и богоносных отец наших, святого страстотерпца царевича Алексия и всех святых, помилует и спасет нас, яко Благ и Человеколюбец.

Лик: Аминь.